

Бақара сураси, 148-оят

10:05 / 15.12.2017 5160

Ҳар кимнинг юзланадиган тарафи бор. У ўшанга юзланувчидир. Бас, яхшиликларга шошилиг. Қаерда бўлсангиз ҳам, Аллоҳ ҳаммангизни келтирадир. Албатта, Аллоҳ ҳар бир нарсага ўта қодирдир. Бақара 148.

Бу ерда гап фақат ибодат пайтида қараладиган томон ҳақида эмас, балки умумий ҳолат ҳақида кетмоқда. «Ҳар кимнинг ўз танлаган йўли бўлиб, у бошқаларни ҳам шу йўлга юргизмоқчи бўлади. Жумладан, аҳли китоблар турли услуб ва амалларни ишга солиб, сизларни ўз йўлларига юргизмоқчи бўладилар. Уларга эътибор берманглар. Ўз йўлларингизни маҳкам тутиб, яхшиликларни кўпроқ қилишга ошиқинглар. Чунки иймонли инсон икки дунёда ҳам яхшиликларининг ҳажмига қараб мукофот олади.

Қани, бу дунёда ҳар ким ўз қибласига юзланиб, ҳар ким ўз ибодатини қилиб юраверсин-чи, барибир охиратда Аллоҳ ҳисоб-китоб учун барчани бир жойга жамлайди. Бунга шак-шубҳа йўқ. Чунки

«Аллоҳ ҳар бир нарсага ўта қодирдир».